

KERATAN AKHBAR

TARIKH : 21 FEBRUARI 2023
AKHBAR : SINAR HARIAN
MUKA SURAT : 28

Aliran perdagangan Malaysia terus berkembang cecah RM207.51 bilion

Aliran perdagangan Malaysia terus berkembang cecah RM207.51 bilion

KUALA LUMPUR - Malaysia mengekalkan prestasi perdagangan yang mem-berangsangkan pada Januari 2023 dengan perdagangan, eksport dan import mencatatkan nilai bulanan tertinggi bagi bulan Januari.

Dalam satu kenyataan pada Isnin, Kementerian Perdagangan Antarabangsa dan Industri (MITI) berkata, perdagangan ber-kembang 1.9 peratus tahun ke tahun kepada RM207.51 bilion dengan eksport meningkat 1.6 peratus kepada RM112.84 bilion manakala import mengukuh 2.3 peratus kepada RM94.67 bilion.

Menurut MITI, lebihan dagangan berjumlah RM18.16 bilion, turun 2.1 peratus yang merupakan lebihan dagangan yang ke-33 bulan berturut-turut dicatatkan sejak Mei 2020.

"Pertumbuhan eksport di-sumbangkan oleh eksport yang kukuh bagi keluaran petroleum, gas asli cecair (LNG) serta barangan elektrik dan elektronik (E&E).

"Eksport ke rakan dagang utama khasnya ASEAN dan Jepun merekodkan pertumbuhan dua digit. Berbanding Disember 2022, perdagangan, eksport, import dan lebihan dagangan masing-masing menurun 11.8 peratus, 14.4 pe-ratus, 8.6 peratus dan 35.5 pe-

ratus disebabkan bilangan hari bekerja yang singkat dan cuti perayaan yang panjang," kata kenyataan itu.

Pada Januari 2023, MITI ber-kata, eksport barangan per-kilangan yang merangkumi 84.2 peratus daripada jumlah eksport menyusut secara marginal se-banyak 0.1 peratus tahun ke tahun kepada RM94.97 bilion berikutan eksport yang lebih rendah bagi barangan perkilang-an logam, keluaran getah serta barangan besi dan keluli.

Secara kolektif, eksport ke-luaran petroleum dan barangan E&E menyumbang 52.2 peratus kepada jumlah eksport Malaysia dan meningkat sebanyak RM7.66 bilion, katanya.

MITI turut menyatakan eks-port hasil galian (9.1 peratus penguasaan) melonjak 50.1 pe-ratus tahun ke tahun kepada RM10.23 bilion, pertumbuhan dua digit yang ke-22 bulan berturut-turut, disumbangkan oleh peningkatan eksport LNG.

Sementara itu, eksport ke-luaran pertanian (6.2 peratus penguasaan) turun sebanyak 19.8 peratus kepada RM7.01 bilion berbanding pada bulan Januari 2022. Ini disebabkan oleh jumlah eksport minyak sa-wit dan keluaran pertanian ber-asaskan minyak sawit yang lebih rendah. - *Bernama*



Pertumbuhan eksport pada Januari 2023 banyak disumbangkan oleh keluaran petroleum, gas asli cecair serta barangan elektrik dan elektronik.